

Član 2.

Ova Odluka stupa na snagu danom davanja saglasnosti od strane Centralne izborne komisije BiH i naknadno će se objaviti u "Službenim novinama Kantona Sarajevo".

Broj 01-02-1320/09
27. aprila 2009. godine
Trnovo

Predsjedavajući
Općinskog vijeća Trnovo
Selim Hamzić, s. r.

Na osnovu člana 2.3. stav 2. i 2.12 stav 6. Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 52/05, 77/05, 11/06, 24/06 i 32/07), i člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 7. sjednici održanoj 24. aprila 2009. godine, donijelo je

ODLUKU

O RAZRJEŠENJU ČLANA OPĆINSKE IZBORNE KOMISIJE

Član 1.

HADIS KRUPALIJA, razrješava se dužnosti člana Općinske izborne komisije Općine Trnovo, zbog nespojivosti vršenja funkcije člana Općinske izborne komisije i člana najvišeg izvršno-političkog organa političke stranke.

Član 2.

Ova Odluka stupa na snagu danom potvrđivanja od strane Centralne izborne komisije BiH, a naknadno će se objaviti u "Službenim novinama Kantona Sarajevo".

Broj 01-02-1319/09
27. aprila 2009. godine
Trnovo

Predsjedavajući
Općinskog vijeća Trnovo
Selim Hamzić, s. r.

OPĆINA VOGOŠĆA

Općinsko vijeće

Na osnovu člana 44. stav 4. Zakona o prostornom uređenju ("Službene novine Kantona Sarajevo" broj 7/05) i člana 23. i 71. Statuta Općine Vogošća ("Službene novine Kantona Sarajevo", broj 3/09 - Novi prečišćeni tekst), Općinsko vijeće Vogošća na sjednici održanoj 27. augusta 2009. godine, donijelo je

ODLUKU

**O USVAJANJU REGULACIONOG PLANA
"PARK ŠUMA HUM"**

Član 1.

Usvaja se Regulacioni plan "Park šuma Hum" (u daljnjem tekstu: Plan).

Član 2.

Plan se sastoji od tekstualnog i grafičkog dijela. Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju u okviru Plana,
 - Odluku o provođenju Plana.
- Grafički dio sadrži:
- Urbanizam prezentiran na odgovarajućem broju tematskih karata.
 - Idejno rješenje saobraćaja.

- Idejno rješenje snabdijevanja vodom i odvodnja otpadnih i oborinskih voda.
- Idejno rješenje toplifikacije-gasifikacije.
- Idejno rješenje elektroenergetike i javne rasvjete.
- Idejno rješenje hortikulture.
- Idejno rješenje TK mreže.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Centar Sarajevo, Općine Novo Sarajevo, Općine Novi Grad Sarajevo, Općine Vogošća, Gradskoj upravi - Služba za urbano planiranje i Zavodu za planiranje razvoja Kantona Sarajevo.

Završne odredbe

Član 4.

Ovu Odluku u identičnom tekstu donose Gradsko vijeće Grada Sarajeva i Općinsko vijeće Vogošća.

Član 5.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2350/09
27. augusta 2009. godine
Sarajevo

Predsjedavajuća
Općinskog vijeća Vogošća
Nada Šućur, s. r.



Na osnovu člana 44. stav 4. Zakona o prostornom uređenju ("Službene novine Kantona Sarajevo" broj 7/05) i člana 23. i 71. Statuta Općine Vogošća ("Službene novine Kantona Sarajevo", broj 3/09 - Novi prečišćeni tekst), Općinsko vijeće Vogošća na sjednici održanoj 27. augusta 2009. godine, donijelo je

ODLUKU

O PROVOĐENJU REGULACIONOG PLANA "PARK-ŠUMA HUM"

Član 1.

Ovom odlukom utvrđuje se provođenje Regulacionog plana "Park-šuma Hum" (u daljnjem tekstu: Plan), a naročito: granice prostorne cjeline, namjene površina, urbanističko-tehnički uslovi za izgradnju građevina i uređenje građevinskog zemljišta, uslovi korištenja zemljišta na zaštitnim infrastrukturnim pojasevima i zaštićenim područjima, uslovi uređenja zelenih i slobodnih površina, te odnosi prema postojećim građevinama.

Član 2.

Granica obuhvata Plana počinje od mjesta gdje je granica između općina Vogošća i Centar Sarajevo, izlazi na ulicu Alipašina odnosno četveromeđe parcela k.č. 496, 503 (ulica Alipašina) Kobilja Glava Općina Vogošća, 1631 (ulica Alipašina) i 466/3 K.O. Sarajevo VI i ide u pravcu istoka te jugoistoka ulicom Alipašina k.č. 1631 (ne obuhvata je) i dolazi do ulaza u Groblje "Bare" skreće na jugozapad idući ogradom groblja "Bare" k.č. 1278/1 (ne obuhvata groblje), skreće na jugozapad te jugoistok idući putem k.č. 1638 (obuhvata put) i dolazi do mednog kamena broj 26 koji se nalazi na granici između općina Centar Sarajevo i Novo Sarajevo, produžava na jugoistok idući granicom između općina Centar Sarajevo sa lijeve i Novo Sarajevo sa desne strane i dolazi do tačke broj 1 koja se nalazi na zapadnoj međi parcele k.č. 1300 K.O. Sarajevo VI Općina Centar udaljenoj od tromede parcela k.č. 151, 156 K.O. Novo Sarajevo i Općina Novo Sarajevo i 1300 K.O. Sarajevo VI Općina Centar 76 m, nastavlja na zapad u pravoj liniji i dolazi do tačke broj 2 koja se nalazi na parceli k.č. 137 udaljenoj od tromede parcela k.č. 137, 147 i 151 K.O. Novo Sarajevo i Općina Novo Sarajevo po y=18 m a po x=11 m, nastavlja u pravcu juga idući u pravoj liniji do tačke broj 3 koja se nalazi na međi između parcela k.č. 137 i 147 udaljenoj od sjeveroistočnog ruba parcele k.č. 147 7,5 m, ide u pravcu jugozapada međom između parcela k.č. 137 (obuhvata je) i 147 koju ne obuhvata u dužini od 64 m, skreće na jugoistok idući u pravoj liniji preko parcela k.č. 147, 149/1 i 151 i dolazi do tromede parcela k.č. 151, 156 i 147, nastavlja u pravcu juga idući istočnom međom parcele k.č. 147 (obuhvata je), lomi se idući na jugozapad međama parcela k.č. 147 i 146/2 (obuhvata ih) K.O. Novo Sarajevo i nastavlja u pravcu juga idući istočnom međom parcele k.č. 146/1 (obuhvata je) i izlazi na put k.č. 4314 kojim nastavlja na zapad (obuhvata ga) i dolazi do tromede parcela k.č. 422/1, 413/2 i 4314 (put), lomi se na jugozapad sijekuci u pravoj liniji parcelu k.č. 422/1 i dolazi na sjeverozapadni rub parcele k.č. 421 nastavlja u pravcu juga idući zapadnom međom parcele k.č. 421 koju ne obuhvata i dolazi do njenog jugozapadnog ruba sa kojeg produžava na jugozapad idući preko parcele k.č. 422/1 i dolazi na tromedu parcela k.č. 420, 422/1 i 415 produžava u pravcu juga idući zapadnom međom parcele k.č. 420 koju ne obuhvata i dolazi do tromede parcela k.č. 418, 420 i 415, lomi se idući na zapad sijekuci u pravoj liniji parcelu k.č. 415 i dolazi do tromede parcela k.č. 449/1, 415 i 424/1, nastavlja na sjeverozapad te jug idući međom parcele k.č. 443/1 koju ne obuhvata i dolazi do njenog jugozapadnog ruba, nastavlja na jugoistok potokom sijekuci parcelu k.č. 443/2 i dolazi na sjeverozapadni rub parcele k.č. 445/1, nastavlja u pravcu juga u blagom luku idući preko parcela k.č. 443/2 i 415/1 te dolazi na najsjeverniji rub parcele k.č. 790/22 K.O. Novo Sarajevo I, produžava na jugozapad idući međama parcela k.č. 790/22, 797/2 i 790/2 (ne obuhvata ih), skreće u pravcu juga te jugozapada zapadnim međama parcela k.č. 790/2,

790/3, 790/9, 790/10, 788, 799/19, 931, i 932 koje ne obuhvata do četveromeđe parcela k.č. 816/1, 791, 932 i 878, produžava u pravcu juga idući istočnim međama parcela k.č. 816/1, 816/2 i 816/3 (obuhvata ih), skreće na zapad idući južnom međom parcele k.č. 816/3 (obuhvata je) i izlazi na put k.č. 4319 kojim nastavlja na sjeverozapad (obuhvata ga), skreće na jugozapad idući međom parcele k.č. 852/1 (obuhvata je), presijeca put k.č. 849/3, nastavlja na zapad idući južnim međama parcela k.č. 853/6 i 853/7 (obuhvata ih) K.O. Novo Sarajevo I skreće na jugozapad idući istočnom međom parcele k.č. 853/5 (obuhvata je), nastavlja na zapad idući južnim međama parcela k.č. 853/5 i 828 (obuhvata ih), nastavlja na sjeverozapad idući zapadnom međom parcele k.č. 828 koju obuhvata i dolazi do tromede parcela k.č. 750, 769/1 i 828 ide u pravcu jugozapada u pravoj liniji sijekuci parcele k.č. 750 i 752/1 i dolazi na najsjeverniji rub parcele k.č. 759, nastavlja na jugozapad idući sjeverozapadnom međom parcele k.č. 759 koju ne obuhvata, presijeca u pravoj liniji parcelu k.č. 755/1 i dolazi na sjeveroistočni rub parcele k.č. 2060/1, nastavlja na jugozapad idući međom parcele k.č. 2060/1 koju ne obuhvata te dolazi do njenog sjeverozapadnog ruba, produžava na jugozapad sijekuci u pravoj liniji parcelu k.č. 2122/4 i dolazi do tačke broj 4 koja se nalazi na međi između parcela k.č. 2128 i 2122/4 udaljenoj od tromede parcela k.č. 2125/1 2128 i 2122/4 46 lomi se idući na sjeverozapad međama parcela k.č. 2122/4, 2122/1 i 2148/17 koje ne obuhvata skreće na sjeveroistok idući međama parcela k.č. 2148/18, 756/4, 756/3 i 755/7 (ne obuhvata ih) i dolazi do najistočnijeg ruba parcele k.č. 755/7, nastavlja u pravcu sjevera idući u pravoj liniji preko parcela k.č. 752/1 i 748/11 i dolazi na jugoistočni rub parcele k.č. 748/27 nastavlja u pravcu sjeveroistoka idući u pravoj liniji i dolazi do tačke broj 5 koja se nalazi na parceli k.č. 748/11 udaljenoj od jugoistočnog ishodišta lista R= 1000 broj 106 po y= 65 m a po x= 92 m, ide na sjever u pravoj liniji te dolazi do tačke broj 6 koja se nalazi na međi između parcela k.č. 750, 748/11 udaljenoj od jugoistočnog ishodišta lista R=1:1000 broj 106 po y= 69,5 m a po x= 113 m ide na sjeverozapad međom parcele k.č. 750 (obuhvata je) i izlazi na ulicu Humska k.č. 4316 kojom produžava na jugozapad (obuhvata ulicu), produžava na jugozapad idući uz put k.č. 734/16 (obuhvata ga), lomi se idući na sjeverozapad međama parcela k.č. 732/3 i 731/1 (obuhvata ih), lomi se, idući na jugozapad međama parcela k.č. 722/1 i 722/2 (ne obuhvata ih), dolazi na jugozapadni rub parcele k.č. 722/2, ide na zapad sijekuci u pravoj liniji parcelu k.č. 2163/1 i dolazi do tačke broj 7 koja je udaljena od sjeverozapadnog ishodišta lista R=1000 broj 125 po y= 326 m a po x= 110 m, lomi se idući u pravoj liniji na jug i dolazi do tačke broj 8 koja se nalazi na međi između parcela k.č. 2133/3 i 2163/1 udaljenoj od četveromeđe parcela k.č. 2165/1, 2133/3, 2165/1 i 2163 5 m, ide na jugozapad međama parcela k.č. 2133/3, 2171/5 i 2170/11 koje ne obuhvata ide na zapad te sjever međom parcele k.č. 2172/5 (obuhvata je), produžava na zapad sjevernom međom parcele k.č. 2172/8 koju ne obuhvata, presijeca put k.č. 4318 te putem k.č. 2180/2 kojeg obuhvata ide na jugozapad, nastavlja na jugozapad te zapad međom parcele k.č. 2398/14 (obuhvata je) i izlazi na put k.č. 2381 kojim ide na zapad (ne obuhvata put), nastavlja na jugozapad idući međama parcela k.č. 2394/1, 2405/2, 4326/1 i 2407/1 (obuhvata ih) te dolazi do tromede parcela k.č. 2407/1, 2407/3 i 2408/1, ide u pravcu juga istočnim međama parcela k.č. 2408/1 i 2426/1 (obuhvata ih) te dolazi na sjeverozapadni rub parcele k.č. 2426/22, ide na jugozapad sijekuci u pravoj liniji parcele k.č. 2426/11 i put k.č. 2425/1 i dolazi do tromede parcela k.č. 2425/1, 2429/4 i 2429/1, nastavlja na jugoistok idući međama parcela k.č. 2429/1, 2439/2 i 2431/1 (obuhvata ih) dolazi do tromede parcela k.č. 2433/1, 2470/1, i 2431/1, ide na zapad sijekuci u pravoj liniji parcele k.č. 2470/1, 2468/3, 2468/1 i 2471/2 (put) te dolazi do tromede parcela k.č. 2471/2 (put) 2466/2 i 2474/1 ide na jugozapad međama parcela k.č. 2474/1, 2477/1, 2483/1 i 2424/1 koje obuhvata te dolazi na jugoistočni rub parcele k.č. 2624/1 ide na jugozapad u pravoj liniji sijekuci parcelu k.č. 2624/13 i dolazi do tačke broj 8 koja se nalazi na međi između parcela k.č.

2624/13 i 2623/32 udaljenoj od tromede parcela k.č. 2623/29, 2623/32 i 2624/13 15 m, produžava na jugozapad idući uz trasu projektovane saobraćajnice koju obuhvata a koja ide preko parcela k.č. 2623/32 i 2623/61 pa dolazi do tačke broj 9 koja se nalazi na medi između parcela k.č. 2609/2 i 2623/61 udaljenoj od četveromeđe parcela k.č. 2623/77, 2623/61, 2609/2 K.O. Novo Sarajevo I i 2609/1 K.O. Buća Potok 15 m, lomi se idući na jugoistok međom između parcela k.č. 2623/61 sa lijeve te 2609/2 i 2597/4 sa desne strane u dužini od 56 m, lomi se idući na zapad u pravoj liniji sijekuci parcelu k.č. 2597/4 te dolazi do tačke broj 10 koja se nalazi na medi između parcela k.č. 2597/4 i 2597/1 udaljenoj od tromede parcela k.č. 2597/3, 2597/1 i 2597/4 10,5 m ide na jugozapad te jugoistok međama parcela k.č. 2597/1, 2597/3, 2597/2 i 2597/9 koje ne obuhvata i izlazi na ulicu Braće Panjeta k.č. 4327 čijom trasom produžava na istok (obuhvata ulicu) i dolazi do tromede parcela k.č. 2625/16, 2626 i 4327 (ulica), produžava na jugoistok sijekuci u pravoj liniji parcele k.č. 4327 (ulica), 2679/4 i 2702/1 te dolazi do tromede parcela k.č. 2705/2, 2706/1 i 2702/1, ide na istok sijekuci u pravoj liniji parcele k.č. 2706/1, 2708/2 i 2725/2 te dolazi na jugozapadni rub parcele k.č. 2725/6 ide na istok južnim međama parcela k.č. 2725/6, 2723/1 i 2709/11 koje ne obuhvata te dolazi na jugoistočni rub parcele k.č. 2709/11, nastavlja u pravoj liniji na sjeveroistok sijekuci parcele k.č. 2752/12 i 2752/1 te dolazi do četveromeđe parcela k.č. 2799/1, 2796, 2752/2 i 2752/1, lomi se idući u pravcu juga istočnim međama parcela k.č. 2752/2, 2752/1, 2756, 2757 i 2759 (obuhvata ih), presijeca put k.č. 2749/1 te nastavlja u pravcu juga idući međom između parcela k.č. 2749/2 sa lijeve i 2747 i 2748/1 sa desne strane te izlazi na trasu Gradskog autoputa, lomi se idući na zapad sjevernom stranom trase Gradskog autoputa odnosno njegovim zaštitnim koridorom kojeg ne obuhvata i dolazi do tromede parcela k.č. 2679/1, 4157 i 4327/1 (put), presijeca put k.č. 4327/1 te nastavlja na sjever istočnim međama parcela k.č. 2577 i 2581 (ne obuhvata ih) te dolazi na sjeveroistočni rub parcele k.č. 2581 ide na sjever sijekuci u pravoj liniji parcelu k.č. 2594 te dolazi do jugoistočnog ruba parcele k.č. 2590, ide u pravcu sjevera zapadnim međama parcela k.č. 2594, 2596 i 2609/1 (obuhvata ih) te dolazi do tromede parcela k.č. 2605, 2604/1 i 2609/1 lomi se idući na istok sijekuci u pravoj liniji parcelu k.č. 2609/1 te dolazi do tačke broj 10 koja se nalazi na medi između parcela k.č. 2608 i 2609/1 udaljenoj od jugoistočnog ishodišta lista R=1:1000 broj 142 po y=17 m a po x=86,5 m lomi se idući u pravoj liniji na sjeveroistok sijekuci parcele k.č. 2608 i 2609/1 te dolazi do četveromeđe parcela k.č. 2603/1, 2603/11, 2603/12 i 2609/1, ide na sjever zapadnim međama parcela k.č. 2603/12 i 2546/1 (obuhvata ih) te dolazi do četveromeđe parcela k.č. 2549/3, 2546/4, 2546/1 i 2548 ide na sjeveroistok međama parcela k.č. 2546/1, 2547/1, 2610/1, 2614/1, 2615/1, 2621/1, 2486/1, 2485/1, 2484/1, 2483/1, 2477/1, 2474/1, 2473/1, 2423/1, 2419, 2411/1 i 2413/1 (obuhvata ih) skreće na sjeverozapad idući u pravoj liniji međama parcela k.č. 2413/1 i 2414/1 K.O. Novo Sarajevo I Općina Novo Sarajevo i izlazi na trasu VI transversale lomi se idući u pravcu sjeveroistoka istočnom stranom trase VI transversale koju ne obuhvata odnosno njenim zaštitnim koridorom i dolazi do mjesta gdje naprijed pomenuta trasa VI transversale siječe među između parcela k.č. 1385 i 1386, ide u pravcu sjeveroistoka međama parcele k.č. 1386 koju ne obuhvata presijeca put k.č. 998 te nastavlja na sjeveroistok međama parcela k.č. 1011/2, 1011/1, 1017 i 1020 (obuhvata ih) i dolazi do tromede parcela k.č. 1015, 1024 i 1020, nastavlja na sjeveroistok sijekuci u pravoj liniji parcelu k.č. 1024 te dolazi do tromede parcela k.č. 1028, 1029/17 i 1024, ide na sjeveroistok zapadnim međama parcela k.č. 1029/17, 1029/43, 1029/42, 1029/29, 1029/16, 1029/15 i 1029/1 (obuhvata ih), lomi se idući na jugoistok međom parcele k.č. 1029/1 (obuhvata je), presijeca put k.č. 1029/11 te nastavlja na jugoistok idući međama parcela k.č. 1029/1 (obuhvata je), presijeca put k.č. 1029/11 te nastavlja na jugoistok idući međama parcela k.č. 1029/35 i 1029/14 i izlazi na put k.č. 1039 kojim ide u pravcu juga (obuhvata put), produžava na sjeveroistok idući

međama parcela k.č. 1062/5 i 1062/3 (obuhvata ih) te izlazi na put k.č. 1078 kojim produžava u pravcu juga, nastavlja u istom pravcu idući istočnim međama parcela k.č. 1062/8, 1061/3 i 1092/2 K.O. Kobilja Glava izlazi na granicu između Općina Vogošća i Centar kojom produžava na sjeveroistok i dolazi do međnog kamena broj 2 koji se nalazi na četveromeđi parcela k.č. 1102, 1098/1, 1093 K.O. Kobilja Glava Općina Vogošća i k.č. 6 K.O. Sarajevo VI Općina Centar. Granica obuhvata nastavlja na sjeveroistok idući međama parcela k.č. 1102, 1104 i 1103 (obuhvata ih) K.O. Kobilja Glava presijeca put k.č. 1107 K.O. Kobilja Glava i dolazi do tromede parcela k.č. 1107 (put) K.O. Vogošća, 486/4 i 478/1 K.O. Sarajevo VI Općina Centar, nastavlja na sjeveroistok idući zapadnom međom parcele k.č. 486/4 K.O. Sarajevo VI u dužini od 72 m lomi se na sjeverozapad sijekuci u pravoj liniji parcelu k.č. 479 i dolazi do tromede parcela k.č. 470, 471/2 i 479 K.O. Sarajevo VI produžava na sjeverozapad te jugozapad idući međama parcela k.č. 470 i 472 (obuhvata ih) K.O. Sarajevo VI i ponovo izlazi na granicu između Općina Centar i Vogošća, produžava na sjeveroistok idući granicom između Općina Vogošća sa lijeve i Centar Sarajevo sa desne strane te dolazi do Alipašine ulice odnosno mjesta odakle je opis granice Park-šume Hum i počeo.

Sve naprijed navedene parcele nalaze se u K.O. Sarajevo VI Općina Centar, K.O. Novo Sarajevo I Općina Novo Sarajevo, K.O. Buća potok Općina Novi Grad Sarajevo i K.O. Kobilja Glava Općina Vogošća. Ukupna površina obuhvata iznosi 233,11 ha.

Član 3.

U sklopu obuhvata ovog plana definisane su zone sa sljedećim namjenama:

- A. Zona individualnog stanovanja, P=12,75 ha
- B. Zaštitno zelenilo, P=156,55 ha
- C. Zona sporta i rekreacije (Park-šuma), P=44,00 ha
- D. Zona komunalnih površina (mezarja i groblja), P=8,98 ha
- E. Zona rezervoara, P=0,85 ha
- F. Objekat TV tornja, P=0,96 ha
- G. Saobraćajne površine, P=9,02 ha

Član 4.

Izgradnja građevina i drugi zahvati u prostoru na području u obuhvatu Plana vršit će se na osnovu uvjeta utvrđenih u Planu.

Član 5.

Na osnovu rezultata inženjersko-geološkog kartiranja i rezultata ranijih istraživanja, na području u obuhvatu Plana izdvojene su kategorije terena prema stabilnosti:

- Uslovno-stabilni tereni (US),
- Potencijalno nestabilan teren (PNT),
- Nestabilni tereni (NT).

Član 6.

Uslovno-stabilni tereni (UST) - Imaju relativno malu zastupljenost na području Plana. Izdvojeni su na padinskim dijelovima, izgrađenim od deluvijalnih pokrivača promjenljivih fizičko-mehaničkih svojstava. U prirodnim uslovima to su najčešće stabilni tereni, dok nakon izvođenja zemljanih radova ili nanošenja dodatnog opterećenja od samih građevina i vještački formiranih deponija, mogu postati potencijalno nestabilni. Izgradnja na ovim terenima je moguća, ali uz obavezno uvažavanje uslova i načina fundiranja i građenja građevina, jer neadekvatno zasijecanje padina može dovesti do narušavanja opće i lokalne stabilnosti terena.

Uslovi izgradnje građevina mogu se definisati tek nakon detaljnih inženjersko-geoloških i geotehničkih istraživanja.

Član 7.

Potencijalno-nestabilni tereni (PNT) - Imaju najveću koncentraciju u dijelu padina brda Hum oko starih fosilnih i rubnih dijelova padina, to je prostor privremeno umirenih klizišta na veoma nagetim dijelovima terena 10-15°. U ovu kategoriju izdvojena su sva područja sa potencijalnim, umirenim i fosilnim klizištima.

Osnovnu gradnju ovih terena čine najvećim dijelom tercijarni sedimenti (deluvijalne raspadine "dl" i koluvijalni sedimenti).

Na ovim dijelovima ne dozvoljava se građenje građevina bez detaljnih istraživanja i izrade projekata sanacije.

Član 8.

Nestabilni tereni (NT) - zastupljeni na više lokaliteta u obuhvatu Plana promjenljivih dimenzija u dijelu lokacije aktivnih i privremeno umirenih klizišta i dijelova terena uz potok Bušća veće depresije i uvale, koje su kolektori površinskih i podzemnih voda, te predstavljaju najopasnije i najsloženije lokalitete. U ovu kategoriju izdvojena su sva područja sa aktivnim klizištima u zoni privremeno umirenih klizišta unutar kojih sa javlja više pojedinačnih tijela aktivnih klizišta. Kod ovih privremeno umirenih pojava odvija se vrlo lagano diferencijalno-plastično tečenje-puzanje, ili lokalno vidljivo pomjeranje kao znak ponovnog oživljavanja klizne aktivnosti. Na ovim terenima nije dozvoljeno građenje građevina izuzev radova sanacije terena.

Član 9.

Urbanističko tehnički uslovi za izgradnju građevina su:

- Građevinske parcele utvrđene su idejnim planom parcelacije, odnosno regulacionim linijama, koje u osnovi određuju granice posjeda. Granice parcela ne mogu prelaziti regulacionu liniju.
- Granice parcela mogu preći regulacionu liniju određenu Planom samo u slučaju kada se nakon realizacije saobraćajnice utvrdi da je moguće, kao i u slučaju trokuta preglednosti, gdje se parcela mora zaustaviti na bankini saobraćajnice (škarpa, podzid), s tim da se dio parcele, koji se nalazi u zaštitnom pojasu saobraćajnice, ne može koristiti za izgradnju, nego je neophodno zemljište urediti prema uslovima i namjeni kako je predviđeno samim planom.
- Građevinska linija utvrđuje graničnu liniju građevine u odnosu na javnu površinu, ulicu, vodotok ili druge građevine od kojih mora biti odvojena zbog funkcionalnih, estetskih ili zaštitnih razloga.
- Građevinska linija označava i liniju po kojoj se gradi odnosno iskolčava građevina. Unutar građevinskih linija investitor je slobodan da definiše tlocrt građevina u ovisnosti od potreba i želja.
- Građevinska linija se može prekoračiti, samo u onim situacijama gdje to veličina parcela dozvoljava, što znači da se ne smije ugroziti udaljenost od 3 metra od granice parcele uključujući strehu i sve istake, i da izgrađenost parcele ne smije biti veća od 35%.
- Novoplanirane slobodnostojeće individualne građevine, mogu se graditi na površinama koje su predviđene ovim Planom i utvrđene građevinskom linijom.
- Tehnička dokumentacija i realizacija novih građevina mora biti u saglasnosti sa preporukama vezanim za konstruktivne elemente same građevine i neophodnih radova na okolnom terenu datim u geoinženjerskom elaboratu. Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.
- Podrumi i suterani se mogu realizirati kod izgradnje svih građevina, pod uslovom da se obezbijede odgovarajuće tehničke mjere u cilju zaštite od podzemnih i površinskih voda kao i obušavanja terena.
- Nivelaciona kota prizemlja ili suterena u građevinama u kojima je predviđen poslovni prostor mora se izvesti najmanje 15,0 cm više od kote niveleta pločnika.
- Visinska kota poda prizemlja građevina ne može biti niža nego što je određeno planom.

- Izgradnja građevina se može vršiti samo na prethodno uređenom građevinskom zemljištu. Osiguranje priključaka novim građevinama ne smije ugroziti funkciju i kapacitet postojeće infrastrukture.
- Priključke na saobraćajnice i mrežu komunalnih instalacija treba u svakom konkretnom slučaju posebno projektovati, a u skladu sa Planom i važećim normativima za predmetne vrste priključaka. Obavezno je projektovanje brojila za sve vrste instalacija i njihovo ugrađivanje za potrebe svakog potrošača. Maksimalna spratnost građevina utvrđena je Planom i ne može se mijenjati.
- Koeficijenti izgrađenosti tj. odnos brutto građevinske površine i površine parcele pojedinih korisnika kreće se od 0,2 do 0,9.
- Procenat izgrađenosti tj. odnos tlocrtne površine i površine parcele pojedinih korisnika može se kretati između 7% do 35%.
- Sve građevine, predviđene ovim planom, u arhitektonskom smislu oblikovati i graditi od savremenih materijala.
- Krovovi građevina mogu biti četverovodni i dvovodni, ali pod uslovom da je linija strehe paralelna sa pristupnom saobraćajnicom.
- Prijelazi preko ulica, prilazi građevinama, pasaži i druge pješačke površine moraju se projektovati i izvesti na način da ih mogu koristiti lica u invalidskim kolicima i invalidna lica otežanog kretanja a u skladu sa članom 28. ove Odluke.
- Javne površine (zelene površine, parkirališta, pločnici i sl.) ne mogu se zaposjedati drugim građevinama i sadržajima.
- Izgradnja novih građevina na površinama koje su geoinženjerskim elaboratom utvrđeni kao nestabilni tereni se ne može odobriti.

Član 10.

Tehnička dokumentacija i realizacija novih građevina mora biti u saglasnosti sa preporukama vezanim za konstruktivne elemente same građevine i neophodnih radova na okolnom terenu datim u geoinženjerskom elaboratu, a u skladu sa čl. 6., 7. i 8. ove Odluke. Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 11.

Zona zaštitnog zelenila obuhvata nestabilne (NT) i potencijalno nestabilne terene (PNT), a u cilju zaštite ovih prostora od daljnje bespravne gradnje i ugrožavanja stabilnosti terena. Površine ove zone se revitaliziraju zasadom voćnjaka i dendovrstama, s ciljem ostvarenja povećanja biološke stabilnosti padine, ali i estetsko-dekorativnih efekata. Na ovim prostorima utvrđena je zabrana daljnje gradnje, zbog nestabilnosti terena.

Član 12.

Zona sporta i rekreacije obuhvata prostor ispod TV tornja, a u odnosu na obuhvat Plana smještena je centralno. Ovi sadržaji su planirani na društvenom zemljištu koje nije napadnuto bepravnom gradnjom, što omogućava bržu realizaciju kompleksa. Ovaj prostor je oblikovan kao parkovsko-šumska površina, sa dominantnom vegetacijom šumskog tipa, uz učešće voćnjaka kao vida nadopune kolorita u periodu behara i plodonosjenja. Odnos visokog i niskog zelenila je 80%-20%. Nisko zelenilo i travno-cvjetne površine se formiraju uz pješačke staze, odmorišta i ulazne punktove. U okviru ove zone planirani su objekti ugostiteljstva, kao i smještajni sadržaji. Planirana je putnička žičara manjeg kapaciteta koja će služiti za brzi transport posjetilaca na dominantnu tačku Parka ispod TV tornja.

Član 13.

U obuhvatu Plana postoje dvije komunalne površine: Groblje Obad sa površinom od 8,75 ha i staro Pravoslavno groblje sa malom kapelom površine 0,23 ha. Groblje Obad je još u funkciji u skladu sa preostalim kapacitetom groblja, dok je groblje Semizovina zatvoreno, te se na njemu ne vrši ukop, osim postojećeg održavanja i ozelenjavanja. Zelenilo unutar mezarja i groblja je zelenilo zatvorenog tipa.

Član 14.

Planom je predviđeno rješavanje vodosnabdijevanja ovog prostora i uključivanja u gradski vodovodni sistem. U tom smislu planirana je izgradnja sistema rezervoara koji će biti priključeni na rezervoar Kobilja glava, a to su rezervoari HUM 1 sa pumpnom stanicom HUM na cca 720 m.n.m., i rezervoar HUM 2 na cca 780 m.n.m. Ova dva rezervoara, od kojih je prvi većeg, a drugi manjeg kapaciteta, su dimenzionirani prema potrebama stanovništva ovog prostora.

Osnovni uslov za izgradnju ovih rezervoara, pored pozitivnih inženjersko-geoloških nalaza za lokacije, je i paralelna izgradnja i rješenje kanalizacionog sistema. Puštanje vodovodnog sistema mora biti istovremeno sa puštanjem i kanalizacionog sistema. Parcele na kojoj se nalaze rezervoari su kontrolisane i ograđene.

Član 15.

Televizijski toranj je dominantna tačka Park-šume, gdje se nalazi plato-vidikovac sa panoramskim pogledom na grad Sarajevo i njegovu okolinu. U okviru tornja planira se vidikovac. Parcela na kojoj se nalazi TV toranj je kontrolisana i ograđena, a posjete su dozvoljene pod kontrolisanim nadzorom.

Član 16.

Saobraćajne površine obuhvataju postojeću saobraćajnu mrežu, i to na svim onim dijelovima koji mogu zadovoljiti tehničke uslove, i koje će uz nove saobraćajnice omogućiti pristup svakom pojedinačnom objektu, kao i novoplanirane saobraćajnice. Postojeće saobraćajnice, koje prolaze kroz nestabilan teren, moraju se sanirati u skladu sa uslovima datim u Elaboratu o geološkim i geomehaničkim osobinama terena, koji je sastavni dio Plana.

Novoplanirane saobraćajnice, ukoliko prolaze kroz uslovno stabilne terene, potencijalno nestabilne terene ili nestabilne terene mogu se izgraditi samo kada se teren sanira, odnosno, ukoliko dijelovi saobraćajnice mogu činiti elemenat stabilizacije terena, onda se dio saobraćajnice može realizirati u fazi sanacije terena.

Zbog nepovoljne konfiguracije terena na nekim dijelovima (u najnepovoljnijem slučaju) pristup objektu je omogućen pješačkom stazom.

Prilikom definisanja saobraćajne mreže vodilo se računa o optimalnoj povezanosti prostorno-funkcionalnih cjelina unutar tretiranog obuhvata, kao i povezanost sa kontaktnim zonama i ostalim dijelovima grada. U saobraćajne površine spadaju postojeće i planirane kolske i pješačke površine.

Član 17.

Uređenje građevinskog zemljišta se mora izvesti u obimu i na način kako je predviđeno Planom.

Izgradnja građevina se ne može započeti bez prethodnog minimalnog uređenja građevinskog zemljišta, što podrazumijeva obezbjeđenje adekvatnog saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture, te potrebnih radova na sanaciji i stabilizaciji terena. Izgradnja građevina u obuhvatu Plana ne može započeti prije uklanjanja građevina predviđenih za rušenje.

Privremeno korištenje građevinskog zemljišta koje nije privedeno krajnjoj namjeni ne može se odobriti.

Općina će u realizaciji ovoga plana prioritarno usmjeravati aktivnosti na izgradnji komunalne infrastrukture neophodne za urbano življenje na navedenom prostoru.

Član 18.

Na prostorima koji su registrovani kao aktivna klizišta i nestabilni tereni, a naznačeni su u grafičkom dijelu Plana, neophodno je izvršiti detaljna inženjersko-geološka i geomehanička istraživanja terena kako bi se dobili podaci za izradu projekata njihove sanacije. Sanaciju ovih klizišta treba izvršiti što prije kako bi se osigurao predmetni prostor.

Član 19.

Površine utvrđene kao neke od kategorija zelenila ne mogu se koristiti za druge namjene niti se mogu graditi građevine koje nisu u skladu sa funkcijom koju ta kategorija zelenila treba da ostvari. U zonama zelenila se može odobriti izgradnja pješačkih staza. Izgradnja i uređenje zelenih površina vrši se na osnovu odgovarajuće tehničke dokumentacije izgrađene na osnovu idejnog rješenja hortikulture i u skladu sa Elaboratom o geološkim i geomehaničkim osobinama terena, koji su sastavni dio Plana.

Član 20.

Za legalizaciju građevina izgrađenih bez odobrenja za građenje koji se nalaze na uslovno stabilnim terenima (US) - (ograničeno nepovoljni tereni za građenje), potrebno je izraditi Geotehničke izvještaje koji će sadržavati geološka svojstva terena, zatim stabilnost i stanje konstrukcije, a posebno temelja objekta, te uslove fundiranja po izvedenom stanju za svaku građevinu.

Član 21.

Za legalizaciju građevina koji se nalaze na potencijalno nestabilnim terenima (PNT) - (nepovoljni tereni za građenje), potrebno je prethodno izvršiti sanaciju terena, a zatim izraditi Geotehničke izvještaje koji će sadržavati geološka svojstva terena, zatim stabilnost i stanje konstrukcije, a posebno temelja građevine, te uslove fundiranja po izvedenom stanju za svaku građevinu.

Član 22.

Tek kada nadležni općinski organ utvrdi da su traženi radovi ili zahvati koji su navedeni u članu 6., 7. ili 8. ove Odluke realizirani na terenu može se pristupiti legalizaciji pojedinih građevina.

Član 23.

Do izrade detaljnog geoinženjerskog elaborata i na osnovu njega utvrđenih mogućih intervencija u prostoru, na parcelama ovih građevina se ne može odobriti izgradnja pomoćnih i drugih građevina.

Član 24.

Građevine kojima nije obezbjeđen pristup, bez obzira da li se nalaze na uslovno stabilnom ili nestabilnom terenu, ne mogu se legalizirati ukoliko se za isti ne riješe imovinsko pravni odnosi i time obezbijedi minimalni pješački pristup na pripadajuću parcelu u širini min. 3,0 m.

Član 25.

Legalizacija građevina koji se nalaze na nestabilnom terenu (NT) - (izrazito nepovoljni tereni za građenje), nije moguća niti uz primjenu detaljnih ispitivanja, niti nakon sanacije.

Član 26.

Građevine koji se nalaze u zaštitnom pojasu magistralnog puta ulice Alipašina koji iznosi 20,00 m od ivice kolovoza ne mogu se legalizovati, jer im se ne može obezbijediti adekvatan pristup na Magistralni put po važećim tehničkim propisima. Predmetne građevine će se moći legalizovati nakon izgradnje planirane Prve transverzale, koja će preuzeti ulogu magistralnog puta, koju sada ima ulica Alipašina. Ovim građevinama je omogućeno tekuće održavanje, u cilju obezbjeđenja stabilnosti građevina i normalnog korištenja.

Član 27.

Uslovi za sklanjanje stanovništva i materijalnih dobara moraju biti obezbjeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i

odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 28.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje, nadležni organi, odnosno nadležne službe su dužne obezbijediti da se primjeni Uredba o urbanističko-tehničkim uvjetima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 29.

Sahranjivanje umrlih osoba će se vršiti u skladu sa Zakonom o komunalnim djelatnostima Kantona Sarajevo ("Službene novine Kantona Sarajevo", broj 31/04), a na groblju Obad koje je u planu utvrđeno kao komunalna površina, a u skladu sa preostalim kapacitetom groblja. Groblje Semizovina je zatvoreno, te se na njemu ne vrši ukop, osim postojećeg održavanja i ozelenjavanja.

Član 30.

U sklopu obuhvata ovog Plana definisane su površine pod zelenilom unutar kojih se razlikuju:

- zona sporta i rekreacije, ovaj prostor je oblikovan kao površina sa dominantno zastupljenim elementima biološke komponente sve tri vegetacione etaže (do 85%) koji svojom zastupljenošću, odnosom etaža i prostornom dispozicijom doprinose ukupnom poboljšanju ekoloških uslova (saniranje padine, regulisanje oticaja i proticaja voda, poboljšanje mikroklimе), kao i pejzažno-oblikovnih karakteristika ovog područja dajući mu "identitet". Ovdje su predviđeni sadržaji namijenjeni odmoru i rekreaciji (šetnice, rekreativni sadržaji, punktovi ugostiteljskih sadržaja, hladnjaci i sl.). Svojim razmještajem i kapacitetima ovi sadržaji upotpunjuju ponudu ove namjene kao zelene površine općeg korištenja.
- zaštitno zelenilo, obuhvata zonu revitalizacije koja obuhvata površine voćnjaka i površine zasade dendovrstama s ciljem ostvarenja zaštitnih, ali i estetsko-dekorativnih efekata.
- zelenilo zatvorenog tipa u koje spada zelenilo unutar mezarja i groblja.

Površine utvrđene kao neke od kategorija zelenila ne mogu se koristiti za druge namjene niti se mogu graditi građevine koje nisu u skladu sa funkcijom koju ta kategorija zelenila treba da ostvari. U zonama zelenila se može odobriti izgradnja pješačkih staza.

Izgradnja i uređenje zelenih površina vrši se na osnovu odgovarajuće tehničke dokumentacije izgrađene na osnovu idejnog rješenja hortikulture i u skladu sa Elaboratom o geološkim i geomehaničkim osobinama terena, koji su sastavni dio Plana.

Član 31.

Na postojećim građevinama koji se ovim Planom zadržavaju, a na koje se ne odnose uslovi iz čl. 20. do 25. ove Odluke mogu se izvoditi radovi rekonstrukcije, dogradnje ili nadzidivanja kako za potrebe stanovanja tako i za potrebe dobivanja poslovnog prostora. Rekonstrukcija, dogradnja ili nadzidivanje postojećih građevina moguća je samo pod sljedećim uslovima:

- da dogradnja ne pogoršava uvjete stanovanja u susjednim građevinama, odnosno minimalna udaljenost od susjedne parcele mora iznositi 3,0m,
- spratnost individualnih stambenih građevina može biti maksimalno S+P+I+Pt,
- spratnost za građevine društvene infrastrukture max. S+P+2,
- da građevina koja se nadziduje zadovoljava konstruktivno seizmičke uslove,

- krovne plohe projektovati sa strehama koje prate padinu terena, preporučuju se krovovi sa dvije ili više voda,
- individualne građevine, koje se nalaze u zaštitnom pojasu planiranih saobraćajnica a izvan kolovoza saobraćajnice zadržavaju se i mogu se legalizirati, s tim da se kod izrade tehničke dokumentacije za saobraćajnicu, u tim dijelovima nade odgovarajuće tehničko rješenje kao stoje eventualno suženje pješačke površine, potporni zid umjesto škarpe i sl.,
- postojeće građevine društvene infrastrukture koje se zadržavaju ovim Planom, mogu se rekonstruirati isključivo u funkciji svoje primarne djelatnosti, a na način utvrđen ovom Odlukom,
- zamjenu postojećeg stambenog fonda je moguće odobriti, a prema uslovima propisanim ovom Odlukom za rekonstrukciju, dogradnju i nadzidivanje, geoinženjerskog elaborata izrađenog na osnovu detaljnih istraživanja terena na parceli gdje se vrši zamjena brutto građevinske površine, a po ocjeni stručnog lica po potrebi i na kontaktnim parcelama, s tim da postotak izgrađenosti građevinske parcele ne bude veći od 30%, a spratnost objekta ne prelazi S+P+2.

Član 32.

Površine za parkiranje i garažiranje vozila utvrđene su Planom - faza saobraćaja. Parkiranje i garažiranje vozila za potrebe individualnog stanovanja mora se izvršiti na parceli koja pripada stambenoj građevini.

Garaža se može na parceli locirati u sklopu stambene građevine, odnosno u okviru zadate građevinske linije. Moguća je i izgradnja garaža bočno u odnosu na planiranu građevinu tako da njena udaljenost od regulacione linije prema saobraćajnici bude ista ili veća od udaljenosti planirane građevine, a na način koji omogućava izgradnju iste građevine na susjednoj parceli, odnosno pod uslovom da su vlasnici obje parcele saglasni. Građevine garaže mogu biti samo prizemni.

U slučaju da se stambene građevine nalaze ispod pristupne saobraćajnice, a nagib terena je takav da se garaža ne može graditi, može se dozvoliti izgradnja ploče za parkiranje vozila, kao proširenje trotoara. Najviša kota ploče za parkiranje ne može preći visinu trotoara. Dobiveni prostor ispod ploče se može koristiti kao pomoćni objekat. Namjena garažnog prostora se ne može mijenjati.

Broj parking mjesta na pripadajućoj parceli treba odgovorati odnosu minimalno jedan stan jedno parking mjesto, odnosno parkiranje u okviru parcele kapaciteta potrebnog za određenu namjenu građevine.

Član 33.

Ograde se mogu podizati na građevinskim parcelama za postojeću i planiranu izgradnju. Ograda prema saobraćajnici (uličnoj fasadi) može biti maksimalne visine 1.20 m i postavljena po regulacionoj liniji. Ograde trebaju biti realizovane tako da budu transparentne uz kombinaciju sa živim materijalom (živa ograda). Unutar saobraćajnog ugla preglednosti ne mogu se postavljati visoke ograde, vršiti sadnja visokog zelenila ili graditi druge fizičke strukture.

Član 34.

Izgradnja građevina privremenog karaktera može se odobriti isključivo za potrebe gradilišta, u skladu sa članom 77. Zakona o prostornom uređenju.

Član 35.

Prizemlja ili sutereni postojećih i planiranih individualnih stambenih građevina se mogu pretvarati u poslovni prostor pod uslovom da gornje etaže zadrže namjenu stanovanja. U poslovnom prostoru mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih građevina i sadržaja i koje se vrše u građevinama izgrađenim u skladu sa važećim propisima u odnosu na djelatnosti koje se u njima vrše.

Član 36.

Pri izdavanju dozvole za građenje arhitektonskih građevina potrebno je pribaviti geološki nalaz i uslove temeljenja od stručnih institucija, a statički proračun mora se dimenzionirati za potrebe najmanje 8° MCS.

Član 37.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2351/09
27. augusta 2009. godine
Sarajevo

Predsjedavajuća
Općinskog vijeća Vogošća
Nada Šućur, s. r.

Na osnovu člana 65. Zakona o budžetima u Federaciji BiH ("Službene novine Federacije BiH", br. 19/06, 76/08 i 5/09) i člana 71. Statuta Općine Vogošća ("Službene novine Kantona Sarajevo", broj 3/09 - novi prečišćeni tekst), te člana 4. Odluke o izvršavanju Budžeta Općine Vogošća za 2009. godinu ("Službene novine Kantona Sarajevo", broj 43/08), Općinsko vijeće Vogošća, na sjednici održanoj 27. augusta 2009. godine usvojilo je

IZVJEŠTAJ

**O PRIHODIMA I RASHODIMA BUDŽETA OPĆINE
VOGOŠĆA ZA PERIOD OD 01. 01. DO 30. 06. 2009.
GODINE + C148**

I - OPĆI DIO

Član 1.

Budžet Općine Vogošća za 2009. godinu planiran u visini od 12.830.000,00 KM, u periodu od 01.01. do 30.06.2009. godine, izvršen je kako slijedi:

Red broj		Opis	Plan za 2009.	Ostvarenje od I-VI 2009.	Index 4/3
1		2	3	4	5
I PRIHODI I PRIMICI KM					
	1	Tekući prihodi i primici KM	12.830.000,00	3.761.415,90	29,32
	2	Prenos sredstava iz prethodne godine KM	526.625,52	526.625,52	100,00
		Ukupno prihodi KM	13.356.625,52	4.288.041,42	32,10
II RASHODI KM					
	1	Tekući rashodi KM	12.830.000,00	3.859.658,23	30,08
	2	Rashodi iz prenesenih sredstava KM	526.625,52	-	-
		Ukupno rashodi KM	13.356.625,52	3.859.658,23	28,90
III RAZLIKA - NEUTROŠENA SREDSTVA KM			428.383,19		

Član 2.

Ostvareni prihodi i primici i izvršeni izdaci, po grupama, utvrđeni su u Bilansu prihoda i izdataka za period 01.01. do 30.06.2009. godine, kako slijedi: